

# Powšitkowne WOZJEWJENJA

njedźelu, 19. julija 2020

## Měšniska swjećizna w livestreamje

Drježdžansko-Mišnjanski biskop Heinrich Timmerevers wudźěli tutu njedźelu, 19. julija, diakonej Timej Niegschej měšniku swjećiznu. Boža mša budže w 15 hodź. w cyrkwi swjateho Bonifacija w Lipsku-Connewitzu a přenjesu so w livestreamje na internetowej stronje [www.bistum-dresden-meissen.de](http://www.bistum-dresden-meissen.de).

## Nowa wustajeńca wo česćowanju swjateho Bosćana

W Chróšćanskim Hórnikowym domje wotewru njedźelu, 26. julija, po nyšporje, kotryž je w 14 hodź., nowu wustajeńcu wo česćowanju swjateho Bosćana w Chróšćanskej wosadze. Wona nastu w zamołwitosći Towarstwa Cyrila a Metoda z.t. zhromadnje z Chróšćanskej wosadu a tamnišim Bratstwom swjateho Bosćana składnostnje lětušeje 600. róčnicy založenja tohole bratstwa. Wustajeńca budže tež pozdžišo přistupna. Předwidžane je, ju tohorunja na dalšich městnach pokazać.

## Swjata spowědź w Róžeńce

Wšitcy, kotřiž chcyli porciunkulski wotpusk dobyć, maja mjez druhim w Róžeńce składnosć, sakrament swjateje spowědže přijěć, a to sobotu, 1. awgusta, wot 17 do 18 hodź. Spowědnicy budu fararjo Michał Anders, Ščěpan Delan, Měrcin Deleńk a Tomaš Dawidowski.

## Z busom do Krupki kemši

Na putniku Božu mšu srjedu, 12. awgusta, w 10 hodź. w Krupce pojedže zaso bus. Štóz chcył sobu jěć, měł so najpozdžišo hač do pjatka, 31. julija, w Šmitec wozydłowni-  
stwie w Radworju přizjewić, telefonowe čisło (03 59 35) 28 60.

## Kofejownja swjateho Michała wotewrjena

Po zakónčenju twarskich džěłow w klóšterskej pjekarni je w klóštrje Marijinej hwězdze w Pančicach-Kukowje nětko nowa Kofejownja swjateho Michała wotewrjena. Wopytać móža ju hosćo wot wutory do njedźele wot 11 do 17 hodź. Klóšterska pjekarnja pak wostanje chorosće dla znajmjeńša hišće hač do srjědź awgusta zawrjena.

## Nowy nabožny newsletter pola MDR

Redakcija „Nabožina a towaršnosć“ sćelaka MDR poskića zajimcam nětko newsletter. Jónu wob měsac chce w nim informacije k nabožnym swjedženjam, wo cyrkwinskih podawkach a aktualnych debatach zjimać kaž tež za wusyłanja a přenjesenje Božich službow wabić. Zajimcy móža sej newsletter na internetowej stronje MDR skazać. Link k tomu je pod [www.posol.de](http://www.posol.de) podaty.

## **Pytaja noweho tachantskeho kantora**

Budyska tachantska wosada pyta noweho kantora. Službu nastupić měł 1. nowembra. Do jeho nadawkow słuša mjez druhim přewjedženje a planowanje duchowneje hudźby a koncertow, prawidłowna služba jako organist a wumělske nawodowanje tachantskeho chóra. Wuměńjenje přistajenja je mjez druhim wotzamknjeny studij katolskeje cyrkwinskeje hudźby. Zajimcy měli swoje powabjenje hač do wutory, 15. septembra, pisomnje w personalnym wotrjedže Drježdžanskeho biskopskeho ordinariata zapodać abo je na mailowu adresu [bewerbung@bddmei.de](mailto:bewerbung@bddmei.de) pósłać. Nadrobne wupisanje džěloweho městna je pod [www.posol.de](http://www.posol.de) wozjewjene.

## **W Smochćicach pytaja noweho nawodu kuchnje**

W Smochčanskim Domje biskopa Bena ma so městno kuchinskeho nawody 1. januara 2021 znowa wobsadzić. Swoje pisomne powabjenje měli zajimcy hač do póndžele, 27. julija, w personalnym wotrjedže Drježdžanskeho biskopskeho ordinariata zapodać abo je na mailowu adresu [bewerbung@bddmei.de](mailto:bewerbung@bddmei.de) pósłać. Nadrobne wupisanje džěloweho městna je pod [www.posol.de](http://www.posol.de) wozjewjene.

## **Zwjazk Carity pyta hladarjow**

Hornjołužiski zwjazk Carity z.t. pyta za swoju socialnu staciju w Kamjencu fachowy personal hladanja chorych ludźi. Nadrobne informacije k žadanjam na městno nańdu zajimcy na internetowej stronje [www.posol.de](http://www.posol.de). Požadać měli so zajimcy pola socialneje stacije Carity Budyšin-Kamjenc, Cyrkwinske naměsto 2 w 02625 Budyšinje abo z mailku pod [sst.bz.km@caritas-oberlausitz.de](mailto:ssst.bz.km@caritas-oberlausitz.de)